

南

耕

詞

南耕詞卷三

宜興曹亮武南耕謨

賀新郎

辛酉歲暮天篆自金陵歸攜何省齋侍讀西

泠詞索和因次原韻

最怕寒威者學當年袁安僵臥漫天雪灑有客攜將
新詞讀直是西泠圖畫聽百斛明珠傾瀉滿幅無非
驚人句只中間偶作酸辛話真一字一縑價閒情
忽共遊絲挂恍追陪蘇公隄上垂楊繫馬太息陽春

南軒閣卷三
成高唱和者盡居其下真竟日沈吟堪把自笑庸庸
無奇氣似輸人沒羽穿楊射吾不復倚聲也

讀省齋先生聽雨追悼清河君之闕賦此奉
輓再用前韻

誰是無情者展君詞悽悽惻惻淚珠頻灑不過幾行
相思字傷逝悼亡如画想一段舊愁難瀉零粉殘脂
無尋處剩喁喁枕畔丁寧話應倍憶春宵價風簾
獨向西窗挂每愀然樓頭朔雁簷前鐵馬天到秋來
偏解恨此雨爲君而下我亦爲酒杯慵把惡東先生

腸斷閱且短衣匹馬南山射休更惹傷心也

輓張月陵三用前韻

天道無知者歎斯人溘焉長逝淚隨風灑記得彌留
銷瘦盡未有画師能画聽屋角藥爐聲瀉架上如椽
會播嶽羨佳兒不忘生前話仍賣字等君價總帷
淒冷虛堂挂剩臨摩董書枯樹米書天馬四十二年
交期盡除是相逢泉下新釀熟共誰頻把爲我醉題
梅廬記見墨光猶向行間射今想在玉樓也

東儲玉依庶子四用前韻

東髮相於者。憶雞鳴蕭蕭風雨。竹窗飄灑。二豎侵時。
逢豪客。江上孤舟難畫。回擁抱。淚如鉛瀉。轉眼君騰。
青雲上。更何人共說淒涼話。休復問。砥礪價。朝冠。
暫乞高堂挂。看歸來。路排旌節。門闌駟馬。十五年前。
兄呼我。他日乘車而下。今雙鬢亂絲成把。管鮑貧交。
無人道。怕霜天。短褐酸風射。君記否。壤盟也。

讌集姚邑侯署中賦謝五用前韻

朽鈍如余者。又何期神明仙宰。齒芬沾灑。屢索俚詞。
黏廳壁。錯雜名人書畫。總不惜。恩波頻瀉。聽事餘閒。

開高燕愧當年買駿燕臺話會不值黃金價。簞瓢
只合空齋挂已甘貧家無擔石門無車馬自問庸才
蒙知遇感泣數行俱下。恩欲報吳鉤重把況是吾君
無苛政徧南山虎渡何須射十萬戶歡騰也。

贈錢塘潘蒼儀六用前韻

懷抱誰知者正聊蕭紙窗蓬戶風侵雨灑君爲詩篇
尋識面此意虎頭難画更醉酒肝腸披瀉我本駑駘
何堪顧惟逢人便作空群話真爲我長聲價窮愁
不慣睂端挂任紛紛五侯七貴玉堂金馬只有知音

難忘却一卷蒼山燈下

曾示我蒼山詩稿

臨風袂何時重把

君是西泠無雙士願相隨勁弩迎潮射何必讓古人也。

徐竹逸先生六十舉子詞以賀之七用前韻

迥不猶人者是青蓮重來遊戲瀟瀟灑灑綠軒前
扶疎樹四壁詩詞兼畫揮翰墨雲興泉瀉天上麒麟
今纔降待君年六十成佳話珠在掌總無價 滇南
歸後荷衣挂美先生詩成擊鉢文成倚馬昔日宦情
消磨盡笑傲水邊山下時呼酒花前同把不問人間

榮枯事況桑弧蓬矢從君射。倍覺是神仙也。

寄其年兄八用前韻

才可凌雲者。又何須江淹一夢。筆花飛灑。最憶君家
前朝事。克棟賜書藏。画湖海氣動。如潮瀉。一上君王
徵車去。已三年不共鄉關話。知昔日待其價。遊鞭
久傍金臺挂。算分明君如威鳳。我如羸馬。白石青泉
君休戀。聞道天恩頻下。喜寄我新詞盈把。載得雛姬
嫋嫋去。料明年便向天狼射。亡嫂痛且休也。

其兄艱
子買妾

入都時
方悼亡

贈別吳澹庵九用前韻

俠氣凌秋者。向天涯論詩說劍。洋洋灑灑。到我荆南。
三月住。相對溪山入畫。聽靜夜波濤奔瀉。昔作東藩。
珠履客。剔寒燈絮盡興亡話。沽美酒。那論價。片帆
忽指吳閫。挂看風吹凍雲如鷺。仙舟如馬。無限離情。
憑誰寄。老淚與君同下。幸贈我珠璣堪把。欲學買絲。
平原繡記。雙眸炯炯。光芒射。重會面。甚時也。

天石楚歸未半載。又將有章華之行時。方臥

病賦此誌別十用前韻

同是悲秋者。每開情。月光垂練。露珠凝灑。爲愛西溪。
登城望一幅米家山。画况萬頃銀濤飛瀉。轉憶三年。
衡陽客。幾封書。寄到相思話。曾抵得萬金價。行囊

纔向都梁挂。

都梁廣
齋名

尙迷蒙雨痕泥滓。塵埃野馬多。

病相如今偏甚。偃臥小樓窗下。看藥裹縱橫難把。屈
指章華三千路。冷尖風瘦骨何堪射。重欲別。黯然也。
寄懷潘澈浦尊庵十一用前韻

誰可論心者。笑滔滔。齟齬齷齪。只君瀟灑。南澗山莊。
梅花屋。石谷曾爲君画。

王子石谷時
推第一手

恍瀑布耳邊驚。

瀉憶共龍峰繩牀臥對支公辯。徹浮生話會不惜買山價。一朝金印蠻方挂。問何如空亭放鶴長堤盤馬。自古英雄多奇節。獨立孝侯祠下。算兩臂何妨遲把天付君才。非無意建勲名。莫憶如臯射吾便過洞庭也。

儲瀛傑秋捷兼送北上十二用前韻

才似而兄者。美君年翩翩入洛文。如泉灑不作尋常交遊態。謂我詩中有。画談往事燭花傾。瀉慣是君家同芥拾。聽喧闐又捷秋風話。知倍長洛陽價。國門

爭取鴻篇挂料無慚。長沙太傅。成都司馬。殿上傳呼。
應第一。官錦趁身裁下。臨別酒。莫辭。淡把愧我胸中。
無奇策。已十年不復同君射。君得意蚤歸也。

暑中二隱兄同劉子天木南山相訪追賦此

詞十三用前韻

最愛空山者。儘閒身。禪房高臥。竹風清灑。石壁如雲。
還如練。此是天工奇畫。聽細細。冷泉輕瀉。忽喜兄攜。
狂朋至。坐林間。揮麈論詩話。都不惜唾珠價。枯藤
時見。馴猿挂憶。當年僧名伏虎。池名站馬。襪襪諸君。

何如我盤礴虬龍松下成奇句。筆呼劉把醉倒匡牀。
還索酒有月光初向山腰射。聊共枕夜深也。

聞程穆倩移居白門兼有西河之痛賦此寄

懷十四用前韻

傾動王侯者。羨先生年過七十。墨花飛灑憶昔見君。
邗溝上多少。宋元人面。茶正熟沸如濤瀉。我亦江東。
懷古客聽尊前天寶開元話。渾不減鼎彝價。奚囊
聞向鍾山挂。歎年來心如倦鳥。形如病馬。鏡裏頭顱
今如許。未及拜君牀下。問雙袖何時重把。日暮相思。

南樓望逗斜陽一縷窗間射傷玉樹蚤摧也

憶毘陵故園兼懷內父毛卓人先生十五用

前韻

往事難忘者是吾家桐杉陰滿芰荷香灑絲竹繽紛
燈如晝照徹梁雕棟画更四壁米書奔瀉春曉吹香
香水渡皆園中齋名侍先君側聽先生話謀一醉十千價

刀弓忽向軒堂挂記喧厖甲申之變南來軍馬獵

獵旌旗開幕府反若寄人籬下旋一券付他人把余故

園園初踞作公署今屬他人久矣父執三千如雲散問何人不惜恩

光射今只有婦翁也。

石城余鴻客姚邑侯內戚也聞與瀨水狄司
九俱和我消夏十二詞兼約臘月見訪後
司九至鴻客未果賦此聊存知己之感用
伸彼美之思十六用前韻

訪戴而來者叩吾門袖中一札雪花沾灑兩地相思
言難盡須倩李將軍画偏隔着一江濤瀉和我銷閒
詞十二對狄君如對余君話俱不減瓊瑤價 姓名
那足牙間挂似遭逢孫陽矜惜鹽車老馬待得春風

聯鑣至。醉倒梅廬花下。白玉麈爲余頻把。聞我姚侯
君之戚。料君來不獨。觀鄉射。聽父老頌聲也。

感舊十七用前韻

人世何常者。記年時綺樓朱戶。閒愁難灑。淡雅新粧
風前倚。嬌嫋耐人描。画更一種暗香微瀉。隔着銀牆
如天漢。聽檀槽撥出傷心話。珠十斛是其價。無端
惹得心頭挂。幾多番夢中尋問。卸車寶馬芳草茫茫。
埋香骨。寂寞水晶簾下。剩壁上秦簫誰把。環珮珊珊
知何處。算人間那許留姑射。今屈指十年也。

儲天玉向與蓴庵之官激浦病三年而眇一

目陸上慎亦作楚遊喜二子相繼歸里詞

以志之十八用前韻

歷徧風霜者細形相渾非舊日丰神俊灑銅柱龍標
君曾到明月桃花堪画但險甚五溪崩瀉一目茫茫
三年病說從頭不慣蠻鄉話空擲却藥囊價陸機
一去尤牽挂欲相從慚余只有神興尻馬不怕洞庭
波萬里買醉岳陽樓下况頻取安仁袂把二子歸來
吾差慰算春郊且得同遊射只苦憶義陵也

激浦舊名義陵

記異十九用前韻

怕說滄桑者。奈頻年千村蛙聚。五湖塵灑。賴有監門
能請命。細取流民圖畫。邀蠲賑恩膏。曾瀉人事難將。
天意挽嘆。田家尙廢桑麻話。奴與婢不須價。此生
命訝如絲挂。望昇平烹羔酌醴。放牛歸馬。何事雪中
雷電作。雨雹龍鵬齊下。想炎帝錯將權把。父老驚疑
傳三異。怕天弧又指傷弓射。真莫測彼蒼也。

辛酉除夕二十用前韻

四顧蕭然者。喚家僮軒墀未掃。還宜先灑。楮圍紅

聽街鼓。彩雀丹雞爭画。有椒酒辛盤。頻瀉人到中年。
無他願。只妻孥共說團圓話。如此樂本無價。茅簷
水飭垂垂挂。問城南阿戎來未。時有一家弟。誰喧櫪
過予度歲。馬三十六旬。今宵盡戲與藏鉤燈下。兒女索金錢笑。
把老子極歡。郎當舞挽。強弓擬向愁魔射。從此別莫
來也。

壬戌元日二十一用前韻

舊曆重看者。每驚心。南枝欲放。梅風初灑。今歲可能
勝前歲。此事最難摹画。歎光景如波流瀉。一事無成。

吾竟老數平生多少。嗟此話真不值一錢價。神仙
將相休縈挂。看從來誰爲得喪。塞翁之馬。逢着良辰
無如醉魄。礪都教銷下。算造化機樞難把我。漸不知
人間世。取竹弓睨鴨。方塘射聊一笑。廓如也。

望雲起樓有感二十二用前韻

恰對南山者。憶當年坐看雲起。桐陰颯灑。鸚鵡杯輕。

花罇古子久富春圖画。

成窑鸚鵡杯。漢銅花罇。黃子久富春圖。皆吳孝廉最愛之物。

最好是金波光瀉。拉得公榮相對飲。看玉山頽處。
掀髯話聊下箸。萬錢價。延陵有劍。何曾挂算茫茫。

世間萬事風檣陣。馬昔日池亭。今易主。怕到舊樊樓。
下聽徹夜銀箏笑。把三十餘年如電抹。剩兒孫敗絮。
霜飈射吾亦有故園也。

送路敬止張宣之閩遊兼之豫章二十三用

前韻

總是饑驅者。最難禁兩行別淚。又爲君灑此際銷魂。
駐作賦問有何人能画。且相對酒如澠瀉。閩海章江。
茫無際。趁寒宵共罄西窗話。雙白壁那知價。高堂
弱息應牽挂。料腸中車輪常轉。更如犇馬。張子新添

而翁痛長夜無聲泣下。但綵筆定當同把我欲行行。
愁岐路向茅簷曝背冬暘射時念切故人也。

天篆頻作遠客今又北行賦此言別二十四
用前韻

何事棲棲者。惟年來天涯落托風吹雪。灑歲暮歸來。
歡相見爲我身絲重画。且莫放金荷停瀉。昔在京華。
瀕于死聽天昏地坼艱辛話。

京城地震時天
篆幾爲屋壓

君賣賦

幾多價。儒冠一樣愁難挂。最憐君雄關難度霜濃。

墮馬

天篆曾墮
馬傷面

聚首無何行將去。再向孟嘗門下算。

南齊書卷五十三
三
長。欽。那。堪。常。把。昨。夜。又。聞。求。賢。詔。望。雲。中。鵬。鶚。君。須。
射。吾。執。矢。待。君。也。

陳衛玉舅以事徙塞外二十年矣弓冶表弟
會萬里省親聞有損贖之詔復破產而行
詞以送之二十五用前韻

萬里尋親者已拚將男兒弱肉荒原血灑遼海銀州
都歷遍相見悲酸難画爭擁抱淚如波瀉年少離鄉
今頭白愴窮邊失却江南話如可贖百身價傳聞
天詔都門挂許捐金榆關生入似非風馬吾弟竟將

田園賣重向李陵臺下。怕金盡事難憑。把此去長安。
須問訊。倘雁書繫足。君王射如此子足傳也。

過楓隱寺有感二十六用前韻

不減當年者。只依稀山光欲滴。竹濤如灑。悔殺園亭
全盛日。好手未爲君画。記曲澗玉泉流瀉。一徑虬松
三百本。共山翁箕踞科頭話。風月好。那須價。橋邊
百尺藤蘿挂。到春天許多牽絆。輕衫細馬。楓隱苑時
捐爲寺。吳孝廉別號楓隱。卽以名寺。遺恨夜臺之下。錯付與浮屠
持把。方屋長廊銷除盡。我重遊。悶指颺颺射。都不是。

舊觀也。

代女答某姊二十七用前韻

幸有相憐者。捧香詞。繚綾一幅。淚綠沾灑。兩點睂兒。
長鎖翠粧罷。幾曾描画。愁萬斛。向誰傾瀉。記得南樓。
聽暮雨。對銀缸。絮盡淒涼話。羅修醕。賣珠價。別來
離緒成牽挂。美姍姍。人間仙子。女中班馬。愧我生涯。
何計是。光景如波。頽下算。只有楞伽。堪把少日。心情
還未改。覆金甌。青案須君射。何日肯惠然也。

寄董舜民二十八用前韻

不愧江都者卜幽棲替舟

水榭名

丘。經。儘。君。瀟。灑。茗。椀。

觥船舄皮几。色色晶瑩入画。有萋萋一池香瀉。老桂開時能醉我。更松間踏月梅閒話。曾不惜杖頭價。

何年薜荔牆陰挂。啓雙扉樓能來鶴。

有來鶴樓

隄堪竚馬。

百卷蒼梧詞絕妙。秦柳蘇辛都下。況束比牛腰難把。我欲移家鄰君住。共夏秋誦讀。冬春射應不棄鄙人也。

元夕二十九用前韻

此節殊佳者。又將看桃腮紅染。梅鬚粉灑。火樹金枝。

連宵盛粧點春城入画都不惜蘭膏傾瀉少日追歡
今慵極憶藏闔隱謎燈前話曾一刻千金價打頭
圓月當空挂照街心輕狂年少窺簾喚馬雜還香車
匆匆去幾隊釵鈿欲下看纖手鬢雲頻把明日郊垌
春漸好約狂徒共作分棚射今且醉上元也

伯兄二隱示我毘陵歲事詩十二首感賦三

十用前韻

直是無聊者笑殘冬忍寒呵凍開題揮灑歲事頗俚
成風俗讀罷詩中有面想藉此愁腸都瀉真個吾家

難兄弟竟半生銷費支離話饑不療有何價腐毫
一管同羈挂總輸他輟書班尉題橋司馬博得虛名
傳鄉邑果否才如鄴下況生計問誰能把我欲與君
俱焚硯學屠沽牧販蠅頭射還百倍著書也

吳天石曰歲云暮矣殘雪在山我何爲哉凍雲滿
屋有弟來從建業傳何白下之新聲無人敢和陽
春北潘黃門之追悼一時健舉共俛南畔觀其纒
絕新知纒綿舊好冷雨酸風之俯仰伎堂禪榻之
踟躕時而登高望遠目極衡湘時而折柳送人神
遊蓬閣寄贈北山學士已五平子之四愁留連摩
詰病夫亦入枚生之七發但賦其流星激電莫窮
其巨派共濤此先延陵之所云觀止卽昔建安亦
未能獨步者也

陳魯望曰南畊之爲疊韻在辛酉壬戌之交迎陵
兄時以史職留京師讀之不勝擊節而爲之序有
云飛揚跋扈沉鬱淋漓旁行側出韻數見以彌鮮
鑿孔援幽押雖重而詎複宜僚累十二而尤不墮
實寓於虛庖丁更十九而刃若新技歸於道寸人
豆馬不足稱奇楮葉棘猴何能闕巧可謂形容雅
稱矣今南畊梓其全詞仍另爲一卷屬余爲跋余
不復贅卽以迎陵之序之者跋之南畊得無誚余
之襲乎

南耕詞卷四

宜興曹亮武南耕誤

十六字令

無題

醒夢到成時。却未成。多情月相伴。數寒更。

竹枝

聞美人吹簫

碧玉樓中吹玉簫。有人孤枕夜迢迢。何須製此銷魂曲。惹得愁心帶夢飄。

長相思

擁被

酒已醒。夢已醒。日上三竿東。鳥鳴惺惺。睡不成。冷
難勝。嬾難勝。偎倚衾窩。若有情。拋他。尙未能。

鳥夜啼

饑鳥

呆棲禿柳。僵松咽酸風。錯料稻粱肥。處是江東。飛
欲去。愁復住。似途窮。啼煞雪花。淅淅雨濛濛。

點絳脣

天竹子

鳥啄還留枝頭顆。顆如紅豆霜天染。就堪寄相思。否
名竊簣簪。却比簣簪瘦。何須嗅百花。病後讓汝猩
猩透。

玉蝴蝶

水仙花

幾莖水國仙姿閒。種小歐磁。

吾邑蜀山歐
盆寂有名

檀暈着凝

脂煙輕未散時。

形相何所似。虢國澹蛾眉。翠袖倚

窗扉。含情欲訴誰。

浣溪紗

水溪

一夜雙溪不肯流。布帆無力送行舟。迥寒天氣幾時休。
風勁那搖波底月。日斜難覓水中鷗。鑄成冰屋護龍湫。

采桑子

炙硯

著書十載成何用。雪壓霜濃。呵凍難融。手把端溪撥火紅。
何如焚却從吾好。硬箭強弓。耳後生風。匹馬

相○隨○曹○景○宗○

憶秦娥

春暮

東風拂柳絲。袅娜花如雪。雪花如雪。又催春去。杜鵑啼
血。分明一片多情月。那堪只照人離別。人離別。芳
名偷喚耳輪應熱。

海棠春

西溪同內

野航載酒尋春去。行盡了。西溪方住。執手問青山。可

似雙睂嫵。嫣然風景牽人處。爭忍負天公分付。吾意已浮家。莫記來時路。

山花子

楊妃山茶

直欲輕盈鬪麗華。肌膚凝雪暈紅霞。應是君王初罷寵。做寒花。杏臉桃腮音信杳。獨將春色暫時賒。恰似玉容微醉後。隔窗紗。

南柯子

東雀

無計尋餘粒。何心噪野田。忍寒小立凍簷前。盼煞南枝爭啖杏花天。鷹隼真堪怖。且羅劇可憐。一群黃口共啾然。慎爾相從飲啄。恣翩翩。

玉團兒

煮雪

溪泉凍合渾如鐵。笑文園倍增消渴。鸚鵡多情籠中頻喚掃些殘雪。貯來滿煮。冰壺屑聽爐邊颼颼浙。浙一樣茗柯無過活。火細嘗差別。

浪淘沙

閨情

何處賣花聲。喚得愁生病中心緒。恰如醒脉脉。慳慳。珊枕上。過了清明。只是少人行。朱戶常扃。一春都不問陰晴。偏有多情雙燕子。說向簾旌。

前題

孤睡怯春寒。春夢無端。海棠花下惜朱顏。覺後衾窩拋未得。日上三竿。強起獨凭闌。珠淚偷彈。爲將愁諱鏡中看。纔遣侍兒窗外去。又着看間。

前題

垂柳拂池塘。鶯囀如簧。東風吹透杏花香。爭奈春來銷瘦甚。不稱韶光。遲日懶尋芳。悶倚牙牀。枕頭空自繡鴛鴦。裊罷爐煙窗未黑。多少思量。

前題

鸚鵡鎖雕籠。旭日微烘。打窗蟲活紙窗中。鸞鏡乍開還自掩。知爲誰容。愁極轉成慵。針線休攻金爐宿火撥猶紅。心字香燒須寄與。擬倩東風。

前題

愁與病相兼。滋味曾諳。罷蠶天氣溼江南。梅雨連綿。

朝復暮雲。颺山尖。衣潤水沉添。午夢初甜。一些些。事怕沾黏。只有昨宵詩未了。險韻重拈。

前題

白苧小衫兒。紈扇風微。斜梳重掠。鬢邊絲茉莉香濃。和露摘簪上。枝枝。綃帳漾。早恩簾影連漪。螢燈低照。夜深時。暗誦新詞三兩遍。惹皺雙眉。

前題

明月入南樓。黃雪香浮。雙鬟急爲上簾鉤。趁取金飈。千萬斛吹散閒愁。客願未能酬。又嵌心頭。誰家玉。

笛動離憂。料理安眠。尋好夢也足風流。

前題

疎雨滴芭蕉。豔冷芳消。柳枝難比舊時腰。秋意早知人意改。做出蕭條。書帙也須拋。錦字誰挑。便逢花月轉無聊。記得春來如中酒。不自今朝。

前題

雪意滿霜天。清冷誰憐。點燈時節思綿綿。半晌和衣粧未卸。枕損釵鈿。欹側不成眠。風透窗邊。輕魂飄泊夢難圓。捱得五更寒漏盡。似歲如年。

前題

簷際壓同雲。靜掩重門。鈿華瑤瑟冷香塵。幾點寒鴉
窗外過。又近黃昏。誰復勸芳尊。鴛被初溫。燈前還
續舊啼痕。那得今宵同夢裏。說與銷魂。

南鄉子

曝日

霜鬢兩毵毵。萬慮俱捐。覺夢甜。起擁敝裘無個事。茅
檐曝背。微溫當酒酣。揮涕憶陳髯。架上空餘字幾
函。舊擬歲寒題未了。重拈日影。初從一線添。

向與其
年兄共

擬作歲寒詞未及一二而其年應召入都遂
成未諫今拈是題不禁人琴之感故後段及之

玉樓春

蠟梅

相憐故把霜簾捲。冷韻寒香窗外顫。羅浮別種殿群
芳。漏洩三分春意淺。初疑蠟淚流無算。又似韓嫣
弄金彈。壽陽粧額怕翻新。不遣東風墜花片。

臨江仙

煨芋

新葢黃茅三架屋。霜簾低覆柴門。地爐宿火撥猶溫。

芋魁香便熟飽食當朝飧。試問一區能幾斛明年
好種溪濱畏寒時節最撩人全收如杜老無粟也非
貧。

唐多令

剖橘

萬樹絳囊懸筠籠摘滿船。趁霜風吹到吳天。擘罷手
香醒酒惡甜似蜜沁牙間。計日水晶盤黃柑共汝
傳。只流光暗染華顛。種學李衡還未遂千疋絹待何
年。

蘇幕遮

護蘭

擬晶釵。方玉筍。天付幽香。消盡人間暑。晏歲相看寒。
欲。恆翠葉森森。恐惹冰霜妬。密遮藏。勤擁護。移向
暗軒。聊慰伊遲暮。闔嶠荔湖生長處。回首南天。應悔
離鄉土。

漁家傲

雪艇

萬里同雲天欲晦。孤舟點綴西溪尾。片片雪花低復

起魚不餌漁簑白比羊裘矣。斜插篙兒日日艤多。
情領暑寒滋味。薄暮好沽村酒醉醒也未。銅官已失。
青螺髻。

破陣子

寒更

長夜難憑酒力。覺來分外淒清。通到枕函無數點敲。
入心窩第幾更。更須知白髮生。歷歷從前若夢茫茫。
向後堪驚。倍覺布衾寒勝鐵。多恐金壺漏飲水小窗。
殘月明。

千秋歲

殘曆

天家多事。做出頭和尾。辨晦朔。釐分至。小時嫌不了。
老去驚更始。堪太息。一番寒暑。真彈指。何似空山
裏。歲晏原無此。今試問。還餘幾。蛛絲縈斷簡。藥裹攪
殘紙。休再覩。翻完更覺吾衰矣。

師師令

謝茉莉

夜香燒沐。卸雲鬟重理。蘭湯浴罷。趁微涼。漸摘到瓊

南華經卷四
九
葩仙藥。鈿盒忽。晃青身。使遞個人芳意。是花不比
春花膩。却天然妍麗。冰肌玉骨。最堪憐。銷盡了。晚來
炎氣。好似江妃初解佩。伴陳思。濃睡。

剔銀燈

寒榮

憂觸琅玕欲碎。聽糝罷六花。還未撥盡。炎灰磨殘。凍
墨一盞。寒榮斜背。連宵天氣。怎逼得。光兒逾細。直
是冷清清地。記起十年前事。滅處情親。燒時心熱。那
怕夜長難寐。如今何意。照不了。五更滋味。

祝英臺近

糊窗

歲將殘。寒愈峭。夜夜倚窗臥。敗紙鴟鳴。有夢也難做。
搜些雪。繭銀箋。糊來無縫。摒擋得。心情安妥。燕香
坐。問他捲地狂飈。何計可吹我。明日疎櫺。曙色煖如
火。好呼舊日吟朋。新聲同倚。見一片晶瑩。難唾。

驀山溪

積雪

欺霜勝月。晃耀誰堪偶。一抹總無痕。画溪頭。越然明。

秀瓊英玉屑堆積徧山家。斜陽瘦。西風吼。曉見何時。
候。扁舟載酒。與比山陰否。天氣欲黃昏。噪歸鴉。入
林非舊。全埋三徑。僵臥儘袁安。倪迂手。含毫久。此景
描難就。

洞仙歌

月夜同內南澗山房看桂用康伯可韻

松陰覓路。重叠山無數。欲趁秋晴共花語。到翠微深
院。問雲外。天香誰釀。就飄落滿空如雨。水輪還付
與。萬斛清輝。負了今宵半生誤。笑姮娥常自寡。何似

人間幽谷裏。攜手遲遲潛步漫。傾盡流霞未須眠。任
斗轉星沉。伴儂延佇。

鵲踏花翻

虎丘

趁石爲橋。傍池作屋。玲瓏都向天工借。問他老樹槎
枒。細草繽紛。何年恰嵌懸崖。鱗鬣虛到處。碧闌扶行
吟。一片紅燈掛。游冶隊隊香車寶馬。殢人况值梅
風灑。試聽金管頻吹玉簫不絕。總是牽情者。吳宮花
月不勝愁。山塘煙水空濛夜。

露華

題徐竹逸先生紫牡丹圖

嫣然獨立。是洛下丰姿。占盡春色。着了紫衣。爭羨魏
家傾國。縱教姊妹成行。不數姚黃標格。日美朱闌。
倚時憶醉卿側。香殘切莫淒惻。有妙手徐熙。曾寫
清魄。朵朵瓊英。無恙未許攀摘。嫩綠作意相扶。休訝
胭脂粧飾。蜂蝶鬧飛來。料應認得。

水調歌頭

寒雞

微物具五德。籠着小窗間。昔時曾作人語。玄致至今傳。中夜嚶嚶。嚶嚶。那待曉籌同報。想亦解愁寒。記否。孟嘗客。假爾出重關。燈乍燼。衾似鐵。夕如年。漏聲聽到稀處。鼓翼有花冠。乍可驚他鴛夢。或且爲之起舞。而我忒淒然。老情久無匹。孤館不成眠。

贈吳白涵先生

東郭一遺老。非狷亦非狂。忘年與我爲友寔。是丈人行。出則尋花踏月入。或連牀夜話。兩意各相當。茅屋數間耳。門外有方塘。鷗可浴。鯉可釣。芰荷香。少年

裘馬罕至三徑草全荒。聞道著書萬卷不抵生天作。
佛此計孰爲長笑挽子期坐聊與素琴張。
白涵好著書晚年乃

學佛又善琴

步月

中秋同內遊天竺靈隱孤山諸勝月下泛舟

西湖

三竺煙銷六橋風靜。天香落處霏霏冷。泉亭畔涼氣
欲侵衣。日之夕停車放鶴月已上。攜手蘇堤還呼取
蘭橈艇子劃碎碧琉璃。頻移浮綠醕。傷舷共笑語。

水繞山圍。冶遊人散。漸覺管絃稀。雲鬟溼。堪憐衰露。
玉臂寒偏愛。清輝真佳麗。今宵一醉。竟忘歸。

八聲甘州

釀酒用東坡詞韻

釀瓊漿。漸熟似潮來。驚心歲將歸。算安排春甕。玉釭
輕擘。幾剩寒暉。死便道。傍埋我。此語未全非。却一
年事。爛醉忘機。記取最難拋。汝是猛風獵獵。朔雪
霏霏。人到中年後。樂事料應稀。壓糟丘。珍珠碎滴。願
狀頭滿貯。莫相違。何須慮賞花。天氣典盡春衣。

瑣窗寒

圍爐

雪壓松關。風侵甕牖。悄然誰與。閒燒榾柮。撥向舊愁。
無數。聽喁喁。妻孥未休。膝前幾許。蠶鹽語。算地爐尺。
尺團圓。勝却昔年羈旅。斟醕微酣處。漸倦觸屏風。
眼昏若霧。嫌寒戀煖。歲歲支離情緒。歎榮枯。人世迥。
殊擁貂藉罽。堪美否。縱侯門。熱焰熏天。更幾番朝暮。

念奴嬌

題求夏燮餘詞用漱玉詞韻

春陰漠漠正添香。拂几紙窗，還閉讀罷幾餘詞。一卷
絕似迦陵才氣，念舊情深，追歡興劇，如飲醇醪。味知
君壯志，紅牙檀板，聊寄昔日任昉臺邊。樊川橋上
記新聲同倚我，漸衰顏甘退筆，讓爾雲興霞起。秦柳
風流蘇辛豪宕，大有相兼意。近來佳句錦囊，曾又盈
未。

石州慢

有感

紅粉青衫。何事慣教天意，厮妒從來。傾國傾城，便似

英雄失路悲歌當泣。已到春夢醒時。虛猜浪擬誰非。
誤甚日共知心。把遭逢重數。無據底。須珍惜。幾許
庸兒一般。駭女此事。憑誰分割。向誰申訴。而今已矣。
拚取沉醉生涯。頽然不省人間苦。試問眼中人。縱惺
惺奚補。

水龍吟

迦陵應 名入都

日邊飛下徵書。蓬門早駕安車矣。徘徊欲去。頓教拋
撇。故園兄弟。爲問何人。不謀猿鶴。薦雄文似。縱持觴。

幸爾千秋知遇難。勝却傷離意。知道賦才瑰麗有。
飄飄凌雲之氣。閣中藜火定應留照。風流國士只怕。
鶯花惱人零落。料君能記。恨南樓倦客相思。別後與。
誰同醉。

和章質夫韻

雕梁燕子呢喃。翩然爭逐。飛花墜朱顏。應惜又隨春。
減。漫添愁思。闌草偏慵薰。香都情鏡奩。長閉任韶光。
妍媚。渾如中酒。欹珊枕。眠難起。聽罷三聲杜宇。倩。
誰將斷魂重綴。幾多往事。回頭暗省。越教心碎。翠幕。

低垂悄無人影沉沉似水拚燈昏月落安排綃帕搵
淒涼淚

再和前韻

人間竟有姮娥姍姍環珮從天墜藥珠標格幽蘭心
性東風情思鬢影看峰撩人倦眼睚眦難閉縱肝腸
灰冷何曾見慣當初夢重提起頻囑分攜休遽似
綿綿藕絲連綴逡巡半晌也教直得輕魂都碎月上
花梢還須嬌臉笑臨春水莫香闥寂寞紅綿貼枕漬
相思淚

齊天樂

梅蘆花月下送萼菴之燕

相。逢。只。合。花。前。醉。人。生。更。須。何。事。皓。月。當。頭。輕。風。拂。
面。况。是。賞。花。天。氣。君。真。豪。士。飲。直。似。長。鯨。酒。酣。而。起。
爲。我。狂。呼。安。能。鬱。鬱。久。居。此。明。朝。便。將。作。別。贈。君。
無。一。物。盞。教。重。洗。竟。上。燕。臺。巷。無。飲。酒。此。後。相。思。千。
里。如。君。才。技。取。富。貴。何。難。猶。援。囊。耳。遙。指。春。江。恁。時。
情。似。水。

解連環

披裘

無端竟老。算平生所志。那存溫飽。到此日敗絮襤衣。
總不敵霜威。頗傷懷抱。念舊誰耶。未須把絕交重草。
問何時辦取。幾段羊皮。便可垂釣。休提致身應早。
歎頭顱如許。偏只潦倒。若比却蘇季。歸來但金盡差。
同黑貂還少。說甚披裘。又挨近年殘冬。杪任紛紛擲。
揄路鬼儘堪寄傲。

望湘人

端午

早低攏翠鬢。輕襯杏紗綵。綠纏臂。雙結。綳罷綃。蛛鏤成。艾虎嵌。遍虺蛇。諸物半黍金。鈴一星。紈扇還添花。葉。要。繫。他。齊。上。釵。梁。費。盡。紅。窗。周。折。頻。碾。硃。砂。作。屑。貯。玻。璃。小。醺。映。來。如。血。倩。伊。染。心。腸。莫。負。女。兒。佳。節。微。醉。倦。睨。斜。陽。將。滅。試。展。桃。笙。涼。徹。且。私。祝。枕。下。靈。符。禁。住。今。番。離。別。

過秦樓

寒月

皓魄難圓。素娥常寡。費盡人間愁思。霜風淒處。霰雪

疑時萬斛清輝垂地何事慘淡無慘縱到空庭惱人
端視料窺簾映戶都成拋撇紙窗深閉 曾共爾秋
夜尋花春宵行酒屈指爲時無幾人間薄倖世上辜
恩觸着暗彈清淚斜掛天邊一輪頗似悲涼羈臣孤
子惹雙眸炯炯長擁寒衾不寐

沁園春

孤松

兀冪離奇生峭崿間鬱乎蒼蒼看千盤繡纈形如馬
鬣百尋鱗甲勢若龍翔昨夜狂飈濤聲萬斛恍在滄

洲極混茫還須記是秦封不受挺立無雙那知桃
李爭芳共冷石寒潭送夕陽歎幾番物色幸辭刀鋸
多年領受却飽冰霜歲月頗閒雲山足樂莫誤他時
作棟梁根蟠處有茯苓似斗琥珀脂香

賀新郎

七夕戲和彈指詞韻

得似雙星否算徒然此生同託彈丸鄉土悵望銀河
相間隔那有鵲橋堪渡只領受傾城一顧若使芳心
都不死便千秋百劫寧辜負誰解識斷腸譜匆匆

幽恨何從訴。但依稀夢中還認別離時。路漫道銷魂。銷未盡。須倩江淹重賦。愁萬斛。砌成今古。記取長生。明月夜。凭香肩。私語會無數。他日會忍虛度。

迦陵卒於京師馳驛歸葬拊棺哭之

丹旄歸鄉里。感皇恩。輜車驛送。榮君之苑。齋酒靈牀。長嘆息。一代風流盡矣。禁不住淚如鉛水。天上修文。何太促。恨匆匆。未了人間史。

時史職未竣

休復問舊游事。

雙魚屢寄山齋裏。約他年。清泉白石。徒虛語耳。重到壚頭。分手處。却已殯宮長閉。但一作驢鳴而已。我

有新詞誰和我向燈前剪罷招魂紙風颯颯恍然至

徐竹逸曰余素患足疾今冬尤劇連旬僵臥敗絮蒙頭適曹子南耕投新詞一卷倚枕卒讀如對名花傾國香豔天然又如歲寒松栢矯矯於萬卉凋殘之後勁挺特出不覺霍然躍起繞牀叫絕狂奴故態復萌也

湯次曾曰南耕詞如龍躍天門虎跳鳳觀雖極冷淡淒清俱有矯矯不群之概所謂李青蓮詩文生來富貴唾欬皆香較之陶杜窮愁正可破顏一笑也

萬紅友曰詞至今日爲極盛矣余獨曰未也何也以古詞之所以可歌者多不講也詞與音比其法甚嚴爲詞者選選拘而不能騁宋柳耆卿周美成輩卓然爲填詞宗匠然其意端在可歌聲律諧矣雖或言之俚弗恤也此固非也今之負才者多假借聲律以工妙其語言而人尤尙之轉相倣效初

若蟻漏終于潰隄而詞不可問矣唯吾友南耕既負天下之才工妙于語言而又毫不苟簡于聲律嗚呼可謂難也已余將輯詞律一書以告天下後世南耕其先獲我心者歟陳次山曰伯父檢討迦陵以倚聲樹幟里邑而中表伯則有南耕曹君亦獨張一軍舉旗衝壘而出猶憶梅蘆月舫水檻山樓相與一觴一味銷沉歲時阿咸不肖嘗得竊附竹林之末嗟乎檢討長埋廣陵已絕此生已矣安能復事筆墨枋自濟上歸南耕伯顧肯惠然兼示新詞一卷詩云既見君子德音孔膠詞雖小道尙有典型曹君不遐棄我枋其執鞭弭以從